

<b>Headline</b>	<b>Sultan saran sedia kawasan hijau</b>		
<b>MediaTitle</b>	Sinar Harian		
<b>Date</b>	04 May 2012	<b>Color</b>	<b>Full Color</b>
<b>Section</b>	Nasional	<b>Circulation</b>	60,000
<b>Page No</b>	18	<b>Readership</b>	180,000
<b>Language</b>	Malay	<b>ArticleSize</b>	270 cm <sup>2</sup>
<b>Journalist</b>	N/A	<b>AdValue</b>	RM 1,485
<b>Frequency</b>	Daily	<b>PR Value</b>	RM 4,455



# Sultan saran sedia kawasan hijau

*Pemaju perlu pastikan lokasi strategik untuk penghuni*

**RUWAIDA MD ZAIN**

**SHAH ALAM** - Sultan Selangor, Sultan Sharafuddin Idris Shah menyarankan setiap pemaju perumahan di Selangor menyediakan dana mencukupi untuk tujuan penghijauan alam sekitar.

Baginda bertitah, pemaju perlu pastikan kedudukan kawasan hijau yang strategik bagi memudahkan semua penghuni mengunjunginya dan beriadah dengan selamat.

Titah baginda, kawasan perumahan boleh menjadi contoh yang baik apabila aspek keselamatan, kebersihan, keharmonian dan perpaduan sama-sama kaum seimbang dengan kehidupan penghuninya.

"Beta berkenan melihat rakyat Selangor hidup dalam keadaan teratur, bersih, selamat dan dalam persekitaran hijau yang menggalakkan pertumbuhan flora dan fauna.

"Penanaman pokok juga menyokong inisiatif menyelamat alam sekitar iaitu ke arah *A green and sustainab-*

*le environment* yang dapat memenuhi keperluan masa kini tanpa mengorbankan kemampuan generasi masa depan," titah baginda.

Baginda bertitah demikian pada Majlis Pelancaran 'Trees To Green' Projek Tanggungjawab Sosial Korporat (CSR) I&P Group Sdn Bhd di Alam Impian di sini, semalam.

Sultan Sharafuddin juga menitahkan agar pihak berkuasa tempatan (PBT) dan Kerajaan Negeri memantau usaha ini serta memastikan ada kesinambungan apabila tiba masanya pihak berkuasa mengambil alih kawasan awam ini kelak.

"Beta juga berharap usaha penghijauan alam sekitar turut menjadi agenda utama PBT yang bertanggungjawab di seluruh Selangor. Penjagaan pokok yang ditanam serta kebersihan taman awam perlu dilakukan dengan berkesan.

"Beta meminta supaya setiap individu bersama-sama menjaga taman awam seperti



**Sultan Sharafuddin turut berkenan menanam pokok Tualang di taman tersebut.**

mana kita menjaga kediaman sendiri," titah baginda.

Baginda bertitah supaya pemaju atau pengusaha industri serta individu agar tidak menebang pokok terutamanya pokok yang hidup membesar dengan subur dan berkualiti.

"Pokok ini amat bernilai untuk kestabilan ekologi dan alam sekitar. Beta berharap dapat melihat lebih banyak lagi kawasan lapang dan taman awam di Selangor dilengkapi

elemen yang disebutkan tadi.

"Beta ucapan syabas kepada I&P Group Sdn Bhd dan Institut Penyelidikan Perhutanan Malaysia (Frim) atas kerjasama mereka dalam inisiatif 'Trees to Green' dengan menanam lebih 1,500 pokok daripada lebih 50 spesies di Taman Alam Impian ini dalam usaha menaikkan taraf taman awam ini kepada sebuah taman 'hutan mini,' titah baginda.